



太

編註

太上感應編註

漢術士魏伯陽著參同契荀爽虞翻王寶善儒采以注
易後之言易者未能或之先也蓋魏晉以前道家之

未嘗不原本聖人化育以天地萬物為

雖工鍊精

者

皆有太上感

子持已立身之

諸經傳無不契合勸善之書稱為最古自此以下無

為雍正之初先慈抱病不自求日交書藥又請

漢術士魏伯陽著參同契荀爽虞翻于寶諸儒采以注
易後之言易者未能或之先也蓋魏晉以前道家之學
未嘗不原本聖人唯是聖人贊化育以天地萬物爲坎
離術士鍊精魄以一身爲坎離爲較異耳然玉鈐經言
求仙者必以忠孝友悌仁信爲本故宋藝文志及道藏
皆有太上感應篇一卷卽抱朴子所述漢世道戒皆君
子持已立身之學其中如三台北斗司命竈神之屬證
諸經傳無不契合勸善之書稱爲最古自此以下無譏
焉雍正之初先慈抱病不肖棟日夜嘗藥又禱於神發

太上感應篇注序

一

粵雅堂叢書

願注感應篇以祈母疾天誘其衷母疾有閒因念此書
感應之速欲公諸同好而未果余友楊君石漁見之歎
曰此書得此注不唯可以勸善且使後世道家知魏晉
以前求仙之本初未嘗有悖於聖人反而求之忠孝友
悌仁信之間而致力焉是亦聖人之徒也其諸君子亦
有樂於是歟旣鈐諸版而仍問序於余余嘉楊君之好
善因述注書之由趣而爲之序乾隆十四年冬日惠棟

序

太上感應篇詞理質奧羅列善惡影響之徵可謂微顯
闡幽洵三代以上之真言也憶予兄弟少時先大夫每
日課誦是書卽以教諸子每獲注本必令講貫其恂恂
規矩不敢放佚者于是編有得力焉然各注多以果報
警世徵引不盡雅馴聰穎多聞之士則目笑而閣度之
曰此豈爲我輩說法耶不知其損于身心者多矣茲得
定字惠先生注本惠君博雅不媿經神乃披據經史諸
子原原本本如讀龍威異書足以息夸士之喙而折詖
淫之心矣予謂教子弟者當與家訓蒙求並授可以廣

太上感應篇注序

二
粵雅堂叢書

拓見聞濬培心地其益不小兄子錫庚請轉梓之余嘉
而序之以爲嗜學而脩德者勸嘉慶三年歲次戊午四
月二十一日芒種節大興朱珪識於皖江節署之存得
齋

太上感應篇注卷上

東吳 惠棟 撰

太上者最上之稱春秋正義曲禮曰太上貴德春秋傳曰

太上以德撫民又云太上有立德經傳言太上者皆

謂五帝以前上聖之人真誥甄命授曰太上者道之

子孫審道之本洞道之根是以爲上清真人爲老君

之師陶宏景注云此即謂太上高聖玉晨大道君也爲太極左真人中央黃老君之師又云

昔太上以德教老子是以老子道經云太上下知有

之顧懽堂誥老子義疏以爲太古上德之人是也

太上感應篇注卷上

一 粵雅堂叢書

是書乃修真者述太上之旨而爲之當在玉鈐經易

內戒赤松子經河圖記命符諸書中皆晉以前書抱朴子所述而

此篇言道戒尤關日用尚德者用茲無悔乃君子之

光易背義者以此思憂禮實小人之福易是以昔人

表而出之名之曰感應夫倡而不和動而不隨中必

有不全者矣故必慎所以感之者新有感必有應自

然之道也

太上曰禍福無門惟人自召春秋傳閔子馬之言無門言同一門出入也

虞仲翔注易以坤爲鬼禍乾爲神福乾坤鬼神爲禍鬼爲福是

知禍屬陰福屬陽爲善陰爲惡故禍福以類相從

字皆從示示神事也說文天者神穀梁然則禍福皆天也

而不知轉移之者人也福分禍伏老子禍與福鄰荀子吉

凶同域憂喜聚門鶡冠子降之者天召之者人禍重于

地福輕于羽羽叶有福不及禍來連我韓非子自作難

活天作猶可

善惡之報如影隨形此言感應之理也影者形動所生

虎嘯而谷風起龍興而景雲屬擊庭鐘于外而黃鐘

應于內物類之相感精神之相應若響之應聲影之

太上感應篇注卷上

二 國雅堂叢書

象形劉向新序吉凶之於善惡亦猶是也作善降之百祥

作不善降之百殃書積善之家必有餘慶積不善之

家必有餘殃易聖人之言感應禍福速哉漢書

是以天地有司過之神依人所犯輕重以奪人算算減

則貧耗多逢憂患

抱朴子案易內戒及赤松子經及河圖記命符皆云

天地有司過之神隨人所犯輕重以奪其算算減則

人貧耗疾病屢逢憂患算盡則人死又對俗篇云上

天司命之神察人過惡其行惡事大者司命奪紀小

過奪算合二文觀之司過卽司命之屬也是以禮記
祭法曰王爲羣姓立七祀曰司命曰中霤曰國門曰
國行曰泰厲曰戶曰竈鄭康成注云小神居人之閒
司察小過作譴告者七祀皆主察小過故總謂之司
過其或謂之司命者七祀首司命故也

人皆惡之

惡去聲

下流乃君子弗居多言爲詩人所畏玷汝南之月且
許劭先注難除六朝赦令並云洗除先注蓋當日殊

洛邑之并疆

書禮終身不齒

豈非三代之直道尚在

太上感應篇注卷上

三 粵雅堂叢書

于斯民四凶之不才載謠于人口乎

范蔚宗贊

刑禍隨之

官刑鬼禍

離外刑者金木訊之離內刑者陰陽食之菴宵人之
行事夫各有所當矣兵在其頸焉避害也左傳天奪之

魄孰逃威也

左傳

吉慶避之

易道以乾爲善爲祥爲福爲祿坤爲喪爲惡爲殺爲

亂

仲翔注易

聖人贊易扶陽抑陰以陽爲君子以陰爲小

人積惡之徒與陰同類故吉慶避之陽稱吉稱慶也

仲翔注易云陽吉陰凶又云陽稱慶也

惡星災之

歲在豕韋萇宏識蔡侯之禍星出婺女神竈知晉國

之凶

春秋類對賦

蓋德隆則晷星星隆則晷德漢書惟天時

與人事相參斯六賊與五殘並會

六賊五殘皆星名

德之不

脩禳之何益終逮於喪亡而已

算盡則死

抱朴子曰凡人之受命得壽自有本數所稟本多則

紀算難盡而遲死若所稟本少而所犯者多則紀算

太上感應篇注卷上

四

學雅堂叢書

速盡而早斃是則占平公之疾無過十年驗伯有之

亡不能五稔

國語左傳

算之盡也何日有之

又有三台北斗神君在人頭上錄人罪惡奪其紀算

武陵太守星傳曰三台一名天柱上台司命中台司

中下台司祿

周禮疏

案天官書文昌宮第四星曰司命

五曰司中六曰司祿是司命卽三台三台卽文昌也

祭法王立七祀一曰司命皇侃禮疏

侃六朝人

以爲文昌

弟四星非也司命有二楚詞有大司命少司命七祀

之司命乃少司命也在虛北

見星經

封禪書荆巫祠司

命漢律祠祀司命皆謂少司命也別詳下注其大司命乃

文昌第四星卽星傳之上台矣張君房雲笈七籤曰

北斗九星第五丹元星天之北斗君主命籙籍上總

九天諸錄中統鬼神簿目下領學真兆民命籙籍諸天

諸地無不總統陶宏景真誥曰鬼官北斗君乃是北

斗之考官此鬼一官又隸九星之精上屬北辰玉君

耳又云鬼官別有北斗君以司生殺蓋上天北斗有

所司察故鬼官亦置此職是北斗神君亦有二也竊

謂顏超所遇斗君亦鬼官所置者非必天上星辰也

太上感應篇注卷上

五 粵雅堂叢書

事載搜神記漢趙壹謝友人書曰收之于斗極還之于司

命則三台北斗之說其來久矣

又有三尸神在人身中

太上三尸中經曰人之腹中各有三尸九蟲爲人大

害常以庚申之日上造天帝以記人之造罪分豪錄

奏欲絕人生籍滅人祿命令人速死上尸名彭倨在

人頭中二尸名彭質在人腹中下尸名彭矯在人足

中玉樞經注云上尸名青姑中尸名白姑下尸名血

姑抱朴子案易內戒等書言身中有三尸三尸之爲

物雖無形而實魂靈鬼神之屬也欲使人早死此尸當得作鬼自放縱遊行饗人祭酬是以每到庚申之日輒上天白司命道人所爲過失

每到庚申日輒上詣天曹言人罪過

真誥協昌期曰凡庚申之日是尸鬼競亂精神躁穢之日也不可與夫妻同席及言語面會當清齋不寢警備其日遣諸可欲太上律科曰庚申日北帝開諸罪門通諸鬼神訴訟羣魔併集以司天下兆人及諸異類善惡之業隨其功過多少賞勞謫過毫分不遺

太上感應篇注卷上

六

粵雅堂叢書

月晦之日竈神亦然

淮南子萬畢術曰

萬畢人姓名見龜策列傳蓋八公之輩有術一卷漢涿郡高誘所注

見淮南外篇今亡

竈神晦日歸天白人罪

御覽

陸龜蒙祀竈解

曰竈鬼以時錄人功過上白於天當祀之以祈福祥

封禪書李少君以祠竈見上如淳曰祠竈可以致福孫子嚴祭竈請比鄰陰子方臘日晨炊而竈神形見因以黃羊祀之段成式酉陽雜俎曰竈神名隗又姓張名單

夫人字卿忌有六女皆名察洽

察一作祭洽一作洽

常以月晦

日上天白人罪狀大者奪紀小者奪算故爲天帝督

使下爲地精己丑日日出卯時上天禹中下行署此

日祭得福其屬神有天帝嬌孫天帝大夫天帝都尉
天帝長兄剛上童子突上紫官君太和君玉池夫人

等一曰竈神名壤子也襍五行書曰竈神名禪禪單字相

通蓋禪讀為單莊子曰竈有髻司馬彪曰髻竈神也
李軌音吉杜公瞻引五經異義曰竈姓蘇名吉利婦
姓王名搏頰 字子郭衣黃衣 司馬彪曰著赤
衣狀如美人 夜披髮從竈

中出知其名呼之可除凶惡

凡人有過大則奪紀小則奪算

抱朴子曰但有惡心而無惡迹者奪算若惡事而損

於人者奪紀紀算之說其來遠矣初學記引河圖曰

太上感應篇注卷上

七 粵雅堂叢書

河圖洛書共四十五篇非今所謂河洛也 黃帝曰凡人生一日天帝賜算

三萬六千賜紀二十聖人得三萬六千七百二十凡

人得三萬六千一紀主一歲聖人加七百二十又云

孝順二親得算二千天司祿所表事賜算中功抱朴

子曰紀者三百日也段成式亦云 算者三日也孫思邈亦云 李

昌齡傳云紀之為說一云十二年此俗說 一云三百日

算之為說一云百日段成式云 一云一日謂人上壽百二

十依河圖之說算主百年紀主二十年合於上壽則

算為一日近之

其過大小有數百事欲求長生者先須避之

抱朴子曰諸應奪算者有數百事不可具論玉鈴經曰然求仙者當以忠孝友悌仁信為本若行不脩而但求元道無益也又云立功為上除過次之

是道則進非道則退

薰蕕不同器邪正不並容目不兩視而明耳不兩聽

而聰荀子不揆於是非則有多歧之患不審於進退則

有羸角之凶易是以君子務以道為折衷也

不履邪徑

太上感應篇注卷上

八 粵雅堂叢書

野廬氏禁野之橫行徑踰者為防姦也禮周君子之所

由有義路有禮門唯其行之卓卓故能履之坦坦若

大道甚夷而人偏好徑老子躬邪趨疾鄭康成語橫奔失路

楚詞一蹉足時終身莫贖矣

不欺暗室

室有屋漏天有旦明審爾動靜及爾出王明叶芒事

無幽而不顯行無隱而不彰是以顏回不改容於夜

浴蘧瑗不變節于宵行叶行劉書新論夫唯瑩靈臺之方寸

自能止虛室之吉祥也莊子

積德累功

無憤憤之志者無昭昭之明無綿綿之事者無赫赫

之功大戴禮蓋德不積不崇功不累不廣積土成山風

雨興焉積水成淵蛟龍生焉積善成德而神明自得

聖心備矣荀子

慈心於物慈心即不忍之心物兼人物而言

毛之在躬拔之則痛周書指之在臂齧之則啼莊子身且

如此物亦宜然本之為慈推之為恩施諸民則為仁

及於物則為愛皆心為之也心和則氣和氣和則形

太上感應篇注卷上

九粵雅堂叢書

和漢書仁者之壽考美意之延年荀子非其驗歟

忠孝友悌

臣之事君無逃於天地子之愛親不可解于心莊子兄

弟者其初一人之身也蘇洵語臣忠子孝兄友弟悌所

謂天之經也地之義也民之行也雖然吾竊謂君子

之道四教孝為先天下之大戒二莊子安親為始孝經

緯曰求忠臣必于孝子之門春秋傳曰子之能仕父

教之忠未有孝而不忠者也書曰孝乎惟孝友于兄

弟未有孝而不弟者也漢制使天下誦孝經選吏舉

孝廉荀爽對策而當時人才特盛忠孝成俗非崇本之效

歟

正己化人

表曲則影邪源清則流潔其身不正而能化及天下者未之有也素書曰釋己而教人者逆正己而化人者順是故正己而物正大人之事也

矜孤恤寡

藐孤之意曾不知悲恤緯之心每懷無告是以君子之絜矩務在恤孤先王之啓監至于屬婦惟施恩于不報其利溥哉知發政之必先為惠大矣

太上感應篇注卷上

十

粵雅堂叢書

敬老懷幼

貴老謂其近于父也慈幼謂其近于子也禮舉斯心而加諸彼乃謂推恩己不欲而勿施人方能行恕蓋老安少懷之志天子非有餘匹夫非不足惟力行何如耳

昆蟲草木猶不可傷

昆眾也古文作蚩从二虫蟲之總名也

帝舜使伯益掌草木鳥獸而命之曰汝作朕虞書蓋

以萬物為一體也草木有生而無知昆蟲有知而無

義本荀子而皆秉天地之大德而生是故蟲舍蚍蜉山

不槎蘖魯語聖王以之立政啓蟄不殺方長不折禮君

子以之律身

宜憫人之凶

惟狂未聞克念書遂入禽門法言怙惡莫有悛容二字見左

流為凶族二字見左傳第思饑年之多暴非天殊于降

才夜氣之特亡是豈人之本性孟子是故作凶事為凶

人左傳常人之所畏也賢人之所惡也聖人之所悲也

樂人之善

太上感應篇注卷上

十一 粵雅堂叢書

君子已能亦樂人之能也已善亦樂人之善也大戴禮

龐士元拔十失五猶足為歡孔文舉去短稱長尙堪

同調俱見本傳唯秉夷之良不異斯懿德之好無私鶴之

在陰自相鳴和詩蘭之同臭易豈有差池左傳宏長道

業其在斯乎

濟人之急救人之危

枯魚在肆仰升斗之無由莊子窮鳥入懷望彈丸而知

畏趙壹事物猶如此人何以堪雖君子之固窮論語相賤

為義唯善人之在患弗救不祥晉語昔人所云饑食而

寒衣墨子生死而月骨左傳非仁心爲質者漢書曷能如此

哉

見人之得如己之得見人之失如己之失

有虞之君使天下貢善其治天下見人有善若己有

善見人有過如己有過此有虞氏盛德也皆見尸子夫舜

之立心如此所以和五典而無違教賓四門而無凶

人亦思舜何人也予何人也有爲者亦若是而已

不彰人短

蓋失數美左傳人之恆情是故接物之道不貴其能察

太上感應篇注卷上

三 粵雅堂叢書

貴其能容君子賢而能容罷音皮知而能容愚博而能

容淺粹而能容襍荀子惟有容而後知德之大也唯能

容而後知量之遠也

不街己長街說文作衙行而買也

人各有能物各有伎深則藏淺則露舒張買物劉逵語

行而且買說文市人皆揮臂而弗顧史記乃知一得之不

足稱偏長之不足恃也吾聞良賈深藏若虛君子盛

德容貌若愚史記矧伎能非全才尤當宏此遠謨也

邊惡揚善易大有之辭

火天之象無所不照大有之義無所不包君子法卦象以察物而分善別惡人無遁情師卦義以容人而

邊匿褻揚人皆喻志公此順天休命之道也王彌

推多取少推吐雷反曲禮曰分毋求多雲笈七籤老君崇百藥曰推多取少是一藥

讓德之主也爭亂之端也魯國男兒尙知梨小融安

邱博士豈識羊肥甄字當由欲者不多是以取之忘少

本世說知此者可以息爭可以興讓

受辱不怨老君崇百藥曰受辱不怨是一藥

以白造緇曰辱鄭氏儀禮注身本潔白而隨以汙辱呂覽宜

太上感應篇注卷上 三 粵雅堂叢書

其怨矣雖然有義辱者有勢辱者犯分亂理辱由中

出謂之義辱訾侮摔搏辱自外至謂之勢辱荀子義辱

爲辱勢辱不足辱何怨之有夫唯不怨是以寡怨

受寵若驚

高位實疾顛漢書同厚味實腊毒厚位喻重祿以上見周語子家懷

思于魯人亦謀之公子懼選于秦天所贊也左傳蓋賢

者寵至而益戒不足者爲寵驕晉語雖危而无咎者其

三之乾乾乎以恐而致福者其初之號號乎易

施恩不求報曲禮曰太上貴德其次務施報謂太上之世施而不思報其次謂三王之世施則望

報也老君崇百藥一
施不望報是一藥

此太上之行也天地有覆載之恩父母有鞠育之恩

然物不答施于天地子不謝生于父母者三國志以天

地之量大父母之情深也太上具天地父母之心奪

之不以為損予之不以為益愛之不自以為仁利之

不自以為利所謂下知有之者也其次奪之知損予

之知益愛之為仁利之為義所謂親之譽之者也七經

小傳

與人不追悔

太上感應篇注卷上

古

粵雅堂叢書

易曰有孚惠心勿問元吉蓋為益之大莫大于信為

惠之大莫大于心王弼注益而有孚惠而以心何悔之

有唯不追悔是以無悔吉又何之矣

所謂善人

禹稱善人左傳為無惡也論語行惡見樂為惡未熟至

其惡孰自見受苦行善見苦為善未熟至其善孰自

見受樂成實論然則季氏之惡已熟漢書五其中必苦

國東平之善最樂後漢書亦在乎熟也孟子

人皆敬之

人無有不善善人者民之望也君子見而改容小人聞而革面敬人者人恆敬之盛德之所致也

天道佑之

天道無親常與善人郎顛引易云亦見太公金匱及說苑金人銘善人天

地之紀也左傳是以自天祐之吉無不利也繫辭

福祿隨之

福者天所錫也祿者人所受也好德錫福書令德受

祿詩天之道也

眾邪遠之遠于萬反

太上感應篇注卷上

五 粵雅堂叢書

義厭伊業切不惠德勝不祥漢書鬼不神于有道老子妖不

作于守常左傳乃知庶疫剛瘳剛卯中文不在逐魁古魅

之效亥音亥而在制行之直方也效亥大剛卯也辟邪之印以玉

爲之見說文

神靈衛之

神者聰明正直而一者也唯仁是福惟德是依皆見左傳

昔者三苗之亂天命殛之夏后受之天神降而輔之

司祿益食而民不饑司金益富而國家寶司命益年

而民不夭見隋巢子是其事也

所作必成

同心為善善必成同心為惡惡必成

何休公羊注

名將成

而物敗之者偽也有所欲而天必從者誠也至德之

貴何往不遂至德之榮何往不成

徐幹中論

神仙可冀

抱朴子曰覽諸道戒無不云欲求長生者必欲積善

立功慈心於物恕己及人仁逮昆蟲樂人之吉愍人

之苦

若疑當作凶謂凶事也

期人之急救人之窮手不傷生口

不勸禍見人之得如己之得見人之失如己之失不

太上感應篇注卷上

去

粵雅堂叢書

自貴不自譽不疾如勝己不嫉諂陰賊如此乃為有

德受福于天所作必成求仙可冀也

以上抱朴子

文王陟

而在上

詩

歿為明神

見賈誼傳

黃帝合而不死

史說去而上

仙豈虛語哉

莊子

欲求天仙者當立一千三百善欲求地仙者當立三百

善

天數十二

左傳

言一千三百非其次三當為二字之誤

也抱朴子曰聞之先師云仙人或昇天或住地要于

俱長生玉鈴

鈴疑作鈴

曰人欲地仙當立三百善欲天仙

當立千二百善若有千一百九十九善而忽腹中行

一惡則盡失前善乃當復更起善數耳以上抱朴子真誥

晉書授曰積功滿千雖有過故得仙功滿三百而過

不足補者子仙功滿二百者孫仙子無過又無功

德藉先人功德便得仙所謂先人餘慶其無志多過

者可得富貴仙不可冀也

苟或非義而動背理而行背音

自此至殺龜打蛇皆承上大小數百事而言此統言

之下乃析言之種樹畜養不見其益有時而大磨礱

太上感應篇注卷上

七 粵雅堂叢書

底礪不見其損有時而盡積德累行不知其善有時

而用弃義背理不知其惡有時而亡枚乘然則何以

辨之曰福生有基禍生有胎納其基絕其胎禍何自

來同上

以惡為能忍作殘害

以苛為察以切為明以刻為忠以計多為功以聚斂

為良此中行氏之所以先亡也新序淮南子韓商之道其

用民也殘其養民也狹施之于亂世可以徼利事平

則受其禍矣馮班昔人譬之廓革者廓之大則大矣裂

之道也

淮南子

陰賊良善

伯宗晉之善人而三郤害之郤宛楚之良也而無極

讒之陰賊之禍烈矣然長魚偽訟而郤氏尸朝進胙

興謗而費氏族滅

俱見左傳

天怨不旋日人怨不旋踵

韓詩

外傳信哉

暗侮君親

萬石俯嘗君食固西漢之家風子通跪讀父書實東

吳之遺教

顧惟

敬誠之兼盡斯忠孝之無虧故戒以

太上感應篇注卷上

六

粵雅堂叢書

勿欺本純臣之事見其不是

陳忠肅語

乃逆節之階名義

大防安得不于此謹之

慢其先生

先生者先醒也譬猶俱醉而獨先發也故世有先醒

者有後醒者有不醒者

新書

少年喜謗前輩新進每狎

老成此何異醉而新寐殊無足與言者乎

鹽鐵論

叛其所事

牛馬維婁

維繫馬婁繫牛

委已者也

己者

而柔焉

柔服也公羊傳而

况人乎納棄妻而論前婿之惡買僕虜而毀故主之

暴抱朴子斧鉞刀鋸之民周語猶知鄙夷而不屑之甯有

輕狡反覆負恩徼利如漢之呂奉先晉之劉牢之者

誑諸無識

矜不能而教不及長者之行也若朝三而暮四朝四

而暮三名實不虧而能御衆狙之喜怒豈所以籠羣

愚者哉莊子子其愚我也子其聾我也子其盲我也列子

善乎楞嚴經之語曰眩惑無識死後當墮無間矣

謗諸同學

君子之與人也面誦其短而退稱其長後漢書蓋責善

太上感應篇注卷上

九 粵雅堂叢書

為朋友之道故不厭箴規如內不相訓而外相謗非

親睦也家語况朋友之薄而已不得厚揚友之辱而已

不得榮此一舉而兩失也戰國策記曰君子絕交不出

惡聲交絕猶然况投分之友乎

虛誣詐偽

詩云神之弔矣詒爾多福民之質矣日用飲食夫使

機械日生而姦偽並起上下相遁神奚自而降福乎

有起信險膚之族則高后崇降弗祥盤庚有譴張為幻

之民則嗣王罔或克壽無佚是故有道之世人醇工龐

商樸女重淮南子上下皆有嘉德至治馨香感于神明

矣日知錄虛而為盈或承之羞誣善之人其辭必游魏

懲變詐乖為定律魏分漢律為詐偽律見晉書刑法志無載爾偽心勞

日拙

攻訐宗親

宗有遠近同此淵源親有親疎無非瓜葛二字出後漢志及獨

斷所當致其敬愛處以忠誠若因一事之乖片言之

忤遂翻然易志俟爾甘心甚者加之攻擊發彼陰私

以此施諸宗是自廢其本也方傳施諸親是自翦其翼

太上感應篇注卷上

三 粵雅堂叢書

也左傳捷則非功敗為有喪南史反義悖德莫大于是

剛強不仁

齒之堅也六十而盡相靡也戰國策天為剛德猶不中

時左傳強毅果敢而甚不仁知伯之所以滅其宗也晉語

昔人謂不仁之質勝則強猛為禍梯人物志信哉李昌

齡傳曰孔子以剛為近仁太上以剛為不仁言豈相

戾哉聖人所取之剛剛于理者也太上所戒之剛剛

于氣者也天錫此注即周子剛有善惡之說

很戾自用

迷者不問路溺者不問遂徑亡人好獨荀是以君子

不鏡于水而鏡于人鏡于水見面之容鏡于人則知

吉與凶墨不是師法而好自用譬之是猶以盲辨色

以聾辨聲舍亂妄無為矣荀羸角之羊窮于進退焚

巢之鳥終見號咷雖很何益哉

是非不當向背乖宜

懷迷罔之疾者行非以為是視白以為黑天地四方

無不倒錯列若猶是人也亦道其常而已好人所惡

而惡人所好則拂性適以取災厚其所薄而薄其所

太上感應篇注卷上

三 粵雅堂叢書

厚則處家適以致亂是非向背之閒可不審哉

虐下取功諂上希旨

君子之所當撫恤者下也所當匡正者上也以不教

殺人謂之虐以不善先人謂之諂荀子浚民膏以課最

豈是良臣揆主意以扶非抱朴子定非後物一事增制

承為故事之循一語聳聽養成在上之惡蠹國病民

誰之咎歟

受恩不感念怨不休

先軫未報秦施致羅狄難子常惟思舊怨遂覆荆尸

左傳蓋艾人必豐是為有禮艾報也 舊惡不念惟在古

賢論語是故大德滅小怨左傳寬身之仁也禮 小怨置大

德刑戮之民也禮

輕蔑天民天民出 王制

天生民而立之君使司牧之勿使失性左傳故職曰天

職書曰天爵民曰天民秋官司民獻民數于王王拜

受之登于天府重之至矣撫我則后虐我則讎書天

之愛民甚矣豈其使一人肆于民上而弃天地之性

必不然矣左傳

太上感應篇注卷上

三 粵雅堂叢書

擾亂國政

利不什不易業功不百不變更是以古之人君謀事

必就祖發政占古語重作事也韓安國語乃或求治太急

用人太驟東坡語以聰明亂其舊章愆忘易其成憲譬

烹鮮而撓之治絲而棼之害家凶國所傷實多陸象

先嘗謂天下本自無事但庸人擾之為煩耳唐書本傳

賞及非義刑及無辜

善為國者賞不僭而刑不濫賞僭則懼及淫人刑濫

則懼及善人不僭不濫成湯之所以獲天福也左傳賞

無功謂之亂

晏子

罰無罪謂之酷素亂則舉枉錯直而

民不服

枉錯直上

酷則頗類紛傳而民無所措手足

殺人取財

方言曰殺人而取其財曰憚力南反傾人取位

殺人取財心計之臣也傾人取位傾危之士也心計

之臣酷以濟其貪傾危之士奸以行其險此傳所云

以讒慝貪憚事君而多殺不辜怨讎已多其能免乎

誅降戮服

聖人不得已而用兵所以除草竊靖邊疆也當其助

虐侵陵罪當誅戮苟泥首歸誠宜推心置腹令反側

太上感應篇注卷上

三 粵雅堂叢書

子自安

後漢書

弄潢池之兵諒非民志烈崑岡之火亦

豈君心

真西山語

古人云誅降者殃及三世又云禍莫大

於殺已降史記為將者思之

貶正排賢

人臣莫難于無妒而進賢

戰國策

是故進賢達能謂之

大夫大夫之為言大扶進人者也

白虎通

蔽公者謂之

昧隱良者謂之妒妒昧之人國家有之則為歲孽

荀子

仁人見之屏諸四夷莊氏之酒酸抑有由也

韓非子

酒者有莊氏其酒常美或使往酤其狗齧人使者不敢往于是莊氏之酒酸大夫臣而齧有道之士此亦

也 東閩之行乞豈徒然哉 說苑曰東閩子嘗富貴而後乞人問之曰公何
為如是曰吾自知吾嘗相
六七年未嘗薦一人也

陵孤逼寡

青鏡嫠婦有子未孩蓬室孀妻遺男始齠 列子無中人

之恆產即天下之窮民帝王且欲施仁行路豈能無

惻夫因利而弱人之孤虐人之嫗 崔子玉清河王誅云忠於嫗嫗丁度

集韻嫗接也 是之謂賤丈夫如此者狗豬不食其餘 王莽

棄法受賂

古文尙書呂刑曰五過之疵維貨維求馬融曰求請

太上感應篇注卷上

西 粵雅堂叢書

賦也漢法盜律有受賕枉法之科 漢律盜篇蕭何所撰 皇至死

又賦吏子孫不得察舉唐睿宗太極元年制官典主

司枉法賦一匹已上並先決一百而改元及南郊赦

文大辟罪已下咸赦除之官典犯賦不在此限宋初

南郊大赦十惡故劫殺及官吏受賦者不原是知亂

政同位商后作其丕刑 盤 貪以敗官夏書訓之必殺

夏書曰昏墨賊殺貪以敗官為墨見左傳 三代以來罔不由此道者 日知錄

彼贖貨厲民之徒即不顧天理獨不畏國法耶

以直為曲以曲為直

直者刑所不加曲者法所不宥有如王子爭囚而州
犁上下伯輿坐獄而范宣左右對類賦遂使直如矢者
周內以深文曲如鉤者虧除於漏網卽絕請寄而馮
臆斷五聽已頗倘受獄貨而府辜功庶尤必報

入輕爲重

廷尉者天下之平也壹傾天下用法皆爲之輕重民

安所措其手足乎

漢書

是以古之人郵罰麗事

呂刑

決獄

折中

韓詩外傳

所以卽天倫也

王制

如生議而與之死比

漢書

下刑而傳以上刑

書

輯小過成大辟加詆欺違明詔

太上感應篇注卷上

五

粵雅堂叢書

薛宣傳

聖王不以怒加刑天罰不極其在是乎

見殺加怒

死者不可復生刑者不可復屬古之聖王或下車而

泣之或徹樂以悲之誠不忍之至也乃成獄報囚輒

加嚴暴

家語

祥刑之意安在乎孔子曰用法一也思仁

恕則樹德加嚴暴則樹怨可不慎乎

家語

知過不改知善不爲

易繫辭曰善不積不足以成名惡不積不足以滅身

小人以小善爲無益而弗爲也以小惡爲無傷而弗

去也故惡積而不可掩罪大而不可解易曰何校滅

耳凶

自罪引他他湯何切

郤克與韓厥分謗高允為崔浩引罪古人直諫不以

生死易其辭夫犯禍對曹乃其自取不思痛心刻骨

反欲虛引他人以圖自免究之良與之家句本鄭氏禮注雖

遭毒手二字見晉書貫盈之罪終伏歐刀句見後漢書亦何益

之有耶

壅塞方術

太上感應篇注卷上

美厚雅堂叢書

墨子遊齊道逢日者中行在晉夢值巫臯會方士於

於旗亭褚先生問楚人於東市司馬季主皆能探抽冥蹟參

驗人區范蔚宗語若乃斥以卑汙比之賤簡日者列傳至使知

星宿者無望覆衣諺曰知星宿衣不覆索廷筭者幾為奪精音所

亦通人之蔽句本君山而盛德之累也宋忠賈誼前事可

鑒者矣

訕謗聖賢宋本作賢聖抱朴子作聖賢

仲任小子偏成問孔之篇論衡九卷孫况老師獨有賤儒

之論見非十子子篇亦思非聖無法經有科條非聖無法見孝經漢律亦

有是條何休注公羊曰無尊賢嘗嘗蔽明傳垂大戒毀

上非聖人不孝者斬首梟之賢嘗嘗蔽明傳垂大戒毀

賢嘗嘗蔽明傳垂大戒毀

且朝士之毀何傷日月羣兒之謗空笑毗

蚺昌黎祇見其不知量也古文多與祇通

侵陵道德

有物混成先天地生曰道德者得也道生萬物有得

獲有故名道德道生之德畜之長之育之成之熟之養

之覆之是以萬物莫不尊道而貴德下士聞道大笑

之此侵陵之所由至也抱朴子作傷殘道士義亦相

近戮鼓琴之于吉孫策謬誅捕屈膝之左慈曹瞞無

太上感應篇注卷上

識蓋異術之士亦有不可誣者也

射飛逐走發蟄驚栖填穴覆巢傷胎破卵

宋齊邱化書曰禽獸蟲蟻之於人也何異有巢穴之

居有夫婦之配有父子之性有死生之情烏反哺為

仁隼憫胎為義蜂有君為禮羊跪乳為智雉不再接

為信若夫焚其巢穴非仁也奪其親愛非義也以斯

為享非禮也教民殘暴非智也使萬物懷疑非信也

夫羶鼻之慾不止殺害之機不已羽毛雖無言必狀

我為貪狼之與封豕鱗介雖無知必名我為長鯨之

三 國子推堂叢書

與巨虺也胡爲自安焉得不恥吁直疑自古無君子
願人有失

願人有得未必得也願人有失未必失也而臧否分
矣今有燎者于此一人奉水將灌之一人操火將益
之功皆未至雖然吾嘉彼奉水之意而惡夫操火者
之心也望子願人有失亦猶是耳

毀人成功老君說百病曰收人成功是一病

陳湯斬郅支班超定西域厥功茂矣而匡衡一言卒

從吏議李邑盛毀遂去其妻小人之好議論不樂成

太上感應篇注卷上

天 粵雅堂叢書

人之美如此哉然史稱偉績高此兩人人笑李匡至
今齒冷毀人者安在耶

危人自安

勢有難全者則瀕人於危而弗顧非憎人也自安之
道在乎此也豈知天道好還危人適以自危越絕書
曰危人自安君子弗爲抱朴子曰背仁義之正途苟
危人以自安者凶人也

滅人自益

孔子言不祥有五損人而益己一不祥也新序盜愛其

室不愛異室故竊異室以利其室賊愛其身不愛人
故賊人以利其身墨子損人而益己乃盜賊之心也吾
聞釜鼓滿者人概之人滿者天概之管子可不懼哉
以惡易好

好讀爲和好之好數世之與國一朝而背之盟心之
密友轉眼而讐之非惑於利卽構於讒獨不思同好
而棄惡左傳福之基也與惡而弃好左傳禍之胎也迨乎
兵已交而莫解怨已積而難排後雖悔之不可食已
左傳

太上感應篇注卷上

元 粵雅堂叢書

以私廢公老君說百病曰以私廢公是一病

倉頡之作書也自營者營一作環謂之山古山背山者謂

之公公之相背也倉頡已知之矣韓非子是故君子

不以一己之私情妨天下之公理忘私者直也漢書公爾

志滅私者德也尚書以私滅私害公者逆也廢公者慝也詩毛

傳君子不以私廢公託公濟私者賊也

竊人之能蔽人之善

人有能而吾竊之可恥孰甚焉人有善而吾蔽之不

祥莫大焉且不聞攘善者無續范甯穀梁注續謂繼嗣揚善

者有後乎班固贊以伯宗之賢而遇讒三卻攘輦者之

言也梁以張湯之酷而珥貂七葉揚兒寬之奏也漢書

形人之醜託人之私李傳以醜為醜行

因戲而形容人之醜行戲而虐矣因爭而攻發人之

陰私爭而亂矣狀之逼真令人失笑能無折終身之

福乎揭之無遺令人掩耳能無啓殺身之禍乎

耗人貨財

富無經業則貨無常主史有耗之者也手編葉子金

子格戲始於周后產盡于今朝太白詩黃金逐手快意盡昨日破產今朝貧巧笑

太上感應篇注卷上

三 粵雅堂叢書

市門資窮於夜合齊桓公事惟匪人之是比易豈之子之

無良治彼罷民應坐周官之嘉石方之碩鼠宜傳漢

室之爰書

離人骨肉

骨肉相愛讒賊間之而父子兄弟相傾也淮南子子聳

謀桓魯隱危豎牛奔仲叔孫卒費忌納女楚建走伊

戾坎盟宋痤死江充造蠱太子殺息夫作姦東平誅

皆自小覆大繇疎陷親可不懼哉可不懼哉漢書

侵人所愛

禍不好不能為禍問古人以不貪為寶左傳譬之烟雲

之過眼百鳥之感耳非不欣然接之去而不復念也

東坡虞叔之劍桓魋之珠左傳玩之者豈非喪志求之者

適啓戎心

助人為非

佐讎者嘗佐鬪者傷問故君子成人之美不成人之

惡成人之惡是佐鬪也無乃傷乎且小人為不善未

必披猖惟有助之者則同惡相濟如市賈焉左傳幾于

無忌憚矣漢律名有功有意助人為非功意俱惡漢書

太上感應篇注卷上

三
唐雅堂叢書

抽腸斃鼓顏氏家訓非不幸也

逞志作威

其爵彌高其志益下淮南子志安可逞威如之吉反身

之謂也易若依勢作威志乃逞矣語曰君子得時如

水小人得時如火說苑傲不可長禮其能久耶

辱人求勝

勝人者有力自勝者強老子况辱人以求之乎屈王孫

于胯下困張祿於廁中非愚則妄易不云乎無平不

破無往不復吾見多陵人者皆不在矣石經左傳

敗人苗稼

水有曲壅曲墜壅泉王法所懲田卒汗萊詩人所歎蓋良

苗肥稼上可薦宗廟下以厚民生重之至也若種稻

而奪諸水戰國策牽牛以蹊人田左傳此何異草宅而禽

饗也周書犯禁受罰固其宜耳

破人婚姻

媒氏掌萬民之判冰人合二姓之歡雖兩喜何惜兩

譽兩言見莊子戰國策曰周地然非耦必多喪耦皆見

賤媒為其兩譽也譽音餘左傳所當慎之始也若夫初聘而強委禽左傳已歸而嗟

太上感應篇注卷上

三 粵雅堂叢書

分鏡本事詩非辱于強暴即奪於亂離更有絲蘿將結

一語而致參商伉儷方諧片辭而與雀角皆害倫虧

義不可之甚者也

苟富而驕

孝經曰滿而不溢所以長守富也家敦而富志高而

揚戰國策天奪之鑒左傳見黜其室矣漢書史鮑言富而不

驕者鮮矣驕而不亡者未之有也左傳富斯驕驕斯亂

亂斯亡禮記

苟免無恥

成仁取義烈士之壯心寡廉鮮恥人臣之大戒三代
以來其風甚卓後世不知此義而文章之士多護李
陵智計之家或稱譙叟此說一行則國無守臣人無
植節反顏事讐行若狗彘而不知媿也何怪乎五代
之長樂老序平生以爲榮滅廉恥而不顧者乎日知錄
認恩推過

恩非已出而妄叨之

何古文認見漢書

過實在我而強推之

任德不任怨已掠其名誰執其咎

鄭贊

竊恐居德者

居德

出易德之涼也避怨者怨之府也

涼德怨府皆見左傳

太上感應篇注卷上

三

粵雅堂叢書

嫁禍賣惡

共仲殺子般而歸獄于僕人

公羊傳

孟德行小斛而借

死於主者

曹瞞傳

古來機械變詐之事甚深而難測然

孟氏之賊曹氏之姦天下莫不聞者抗斡食槽之禍

慶父抗斡經而死

不在其身則在其子孫可不畏哉

沽買虛譽

羊質虎皮觀草則悅見豺則戰

法言

魚質龍文遭水卽

喜遇獮卽悲

抱朴子

名實之辨也先輩謂好名與好利

者相去不遠蓋沽名亦以爲利也然虛名一敗萬事

瓦裂其害有甚於謀利者故荀子謂盜名不如盜貨
包貯險心

書難壬人畏孔壬壬者象人懷妊之形

說文

包藏凶惡

之人也壬人之行潛姦隱智厚貌深情其藏之也如

含沙伏弩雖明者不能然也

然猶明也義見淮南

其發之也則

入月貫胸雖強者無不斃也其術之工雖殺數千百

人而主名不立甚矣其險也

挫人所長護己所短

良相之愛才也一藝必庸小善卒錄君子之制行也

太上感應篇注卷上

十四

粵雅堂叢書

瑕不掩瑜瑜不掩瑕夫誇己之長乃挫人長揚人之

短始護己短謂幽蘭不可佩服艾盈要蘇糞壤以充

幃眾芳蕪穢

離騷

賢士無名徒工謠詠不善是掩如見

肺肝卒亦何益之有哉

乘威迫脅

威者權也勢也權勢之所在爲福固易爲禍亦烈遂

君側之惡人志父豈能無罪

趙軼事見公羊左傳鞅曰志父無罪

徒隄

都之黎庶太師莫怨然臍

卓

至於武安請魏其之田

破石奪五百之婦

兩漢書

皆跋扈張不義之甚者也

縱暴殺傷

殺人者死傷人者刑荀子古之道也乃有人頭羅剎殿

上蒼鷹任雕面惡少為爪牙五代史召名禍猾吏與從

事史記芟夷若草左傳又見庾信哀江南賦論報如屠漢書豈知天道

神明不可獨殺也嚴嫗語師古曰言多殺人者已亦當死虞定安之家

門不增一口虞謂王温舒之滅族豈踰三冬漢法踰冬則赦戒

之戒之孟子

太上感應篇注卷上

三
粵雅堂叢書

太上感應篇注卷上

譚瑩玉生覆校

太上感應篇注卷下

東吳 惠棟 撰

無故翦裁

聖人爲衣服適身體私肌膚而足矣非榮耳目而觀
愚民也今則不然女工作文采男工作刻鏤其爲衣
服不爲身體皆爲觀好單財勞力單與彈同畢歸之于無
用皆見墨子此賈誼所謂百人作之不能衣一人欲天下
之無寒不可得矣

非禮烹宰

太上感應篇注卷下

一 粵雅堂叢書

燕以四膳養以三牲禮之所在烹宰所不廢也至于

平居當遵約儉重卿魚飧趙盾終能免禍公羊大夫玉食

必害而家書况乎多列庶羞兼羅珍怪二字出公羊舍靈

龜而觀柔頤易弱之肉而強之食韓文鄭子公之指唯

堪染鼎左傳趙稚長之腹止用監廚後漢書揆之古人無

故不殺之禮不已悖乎

左道中有屠牛爲業者其人不食豕豕唯日宰太牢

血模糊懸肉格三字出周禮注莫敢誰何者此無他禁之之

法寬也案淮南子說山篇曰殺罷牛可以贖良馬之

死莫之爲也殺牛必亡之數以必亡贖不必死未能
行之者矣高誘注云牛者所以植穀者民之命是以
王法禁殺牛民犯禁殺之者誅故曰必亡之數然則
漢法殺牛與殺人同科也故其時人不敢犯今法輕
於漢而欲使植穀之牛不入屠伯之手烏可得哉李
叔則愛牛說曰肉牛者十之三革牛者十之三角牛
者十之四天下于是無全牛矣此論可謂痛切

散弃五穀

席閒之飯仲堪噉而無餘晉書盤中之餐公垂詠而彌

太上感應篇注卷下

二 粵雅堂叢書

重

李紳詩試看盤中
餐粒粒皆辛苦

蓋食乃民天貨惡弃地其有太

倉之粟屢見因陳畝首之糧或多遺滯豈知儉歲之

饑康

四穀不升曰康
五穀不升曰饑

生于豐年之狼戾乎念及此幾

欲量腹而食數米而炊矣

勞擾衆生

君子之牧民也官府若無吏亭落若無民閭里不訟

于巷老幼不愁于庭府庭郵驛無夜行之吏鄉閭無夜

召之征犬不夜吠烏不夜鳴在朝者忠于君在家者

孝于親

皆見陸
賈新書

嗚呼仁哉

漢書

若小人之牧民也如寢

關曝纒不得須臾甯淮南子豈知水濁則無掉尾之魚

政苛則無逸樂之人故令煩則民詐政擾則民不定

叶平不治其本而務其末譬如拯溺鍾之以石救火投

之以薪皆見鄧析子

破人之家取其財寶

真誥言郗回父郗方回父監也無辜戮人百口取其財寶殃

考深重怨主恆訟天曹早已申對回法應滅門但其

修德既重一身免脫子孫豈得全耶回當保其天年

但仙道之事去之遠已夫以郗道徽之賢一事不方

太上感應篇注卷下

幅南史猶蒙家訟為家中人所訟出真誥况其下焉者乎

決水放火以害民居老君說百病曰水火敗傷是一病

水能反壤漢書火可燎原失則為災蹈之者死是以漢

魏人毀亡之律晉書刑法志帝王嚴決放之條若夫開積

水於萬仞烈猛火於積薪抱朴子非奸吏盜以營私卽

仇家藉之洩忿漂民居之室其傷必多焚旅人之巢

為禍甚烈夫也雖投畀河伯南史謝超宗語挾諸平莊左傳

非過也

紊亂規模以敗人功損人器物以窮人用

君子不壞舊防禮大人必矜細行書東青齊之畝難

言物土之宜毀重邱之瓶未免閉門之詢左傳是知法

不易常怨不在大唯有禮者可以免

見他榮貴願他流貶見他富貴愿他破散

名位相軋者貨財相傾也獸惡其網民惡其上國語自

然之理雖然達而在位豈非稽古之榮桓榮賢而多財

漢書乃是善人之賞論語左傳若曠貴不久漢書出自天公奸

富致殃史記左傳何干卿事南唐書設虛願而幸人災虛愿出周

書及戰國策非愚則惑也

太上感應篇注卷下

四國雅堂叢書

見他色美起心私之

貪色為淫淫為天罰左傳見色而悅謂之曰逆韓詩慶

封易內負之斧鉞巫臣竊妻罪至族赤私于庚宗叔

孫不食皆見左傳淫于魯宮邪顏伏鎖公羊傳申池之禍賊

由閻職子貉之妹終喪芋舌左傳嗚呼今人宜鑒斯轍

天有六氣降生六疾左傳亂自女戎晉語女為陽物晦時

生蠱日入作慝天年喪志非鬼非食人生實難皆見左傳

受之以節易左傳清心窒慾附遠厚別禮逸則忘善慾

則有辟魯語送目冶容左傳授情國色晉獻事見晉書性

易

厲之階詩惟家之索書索嫠有先夫左傳季誠弱息漢書

不以義交尚書大傳是為惑溺公卿宜淫兄弟爭室烝報

姘通上淫曰烝旁淫曰通淫親族之妻曰報與妻婢交曰姘見左傳及漢律罪大惡積

易生不若死羊公死有餘責漢書嗚呼上天戰國策天威咫尺

尺福仁禍淫左傳不爽杪忽遠則子孫近在目睫淫而

無罰左傳未聞其說

負他貨財願他身死

平時匱乏仰升斗之財則活是貸我以財者乃緩我

以死者也惠孰大焉惡人而欲其死是惑也負人而

太上感應篇注卷下

五 國子雅堂叢書

欲其死是賊也賊人者天必反賊之

干求不遂便生咒恨

先輩言自家猶不能自快自家如何他人卻能盡快

吾意交富人而與之稱貸交貴人而丐其竿牘恆人

之所賤也安能望其必遂欲不足而忿售謂之小人

不亦宜乎

見他失便便說他過

人偶失便或值於時或啻於數未必皆其自取也若

不揆其素行而輒指其生平以為是固應爾也豈不

悖哉且人卽有過得志則括囊失時則橫議亦有識者所深鄙也

見他體相不具而笑之

戚施不可使仰籛篠不可使俛晉語天刑之也莊子天刑

之爲不幸人笑之爲不仁且踊楮而闕踊上楮猶蕭今之樓閣

同幾於作質羊公登樓而笑愛妾遂喪其元史記豈計之

得哉

見他才能可稱而抑之

人有才能卽未嘗識面猶當提拂而揚詡之况目驗

太上感應篇注卷下

六 粵雅堂叢書

而心知者耶穀梁子曰心志旣通而名譽不聞友之罪也名譽卽聞有司不舉有司之罪也然則知柳下之賢之禰衡之薦誰之罪歟

埋蠱厭人

老君說百病曰蠱道厭人是一病

蠱者損壞之名淫溺惑亂之所生也左傳古訓爲事易

有蠱卦謂壞極而有事也於文皿蟲爲蠱左傳先儒謂

蟲食器皿巫行邪術損壞於人故亦謂之蠱禮記其

法以桐木人以針刺之狸之地以厭人人輒死漢書

卽周書所謂左道也周書曰以左道事君者誅鄭康成注玉制曰左道若巫蠱及俗

禁漢時巫蠱之禍最烈故賊律有云漢仲賊篇敢蠱人及

教令者弃市延及後世蠱人之罪並編十惡句本風答連

赦令所不宥法至重矣而其術不喪乃知少皞之亂

家為巫史楚語宋襄之霸鬼有淫昏左傳召之而至又何

尤焉小爾正曰聖王在上分民神職司民司職神之職絕地天

通尙書此嘉祥所以日降蠱氣所以不作也

用藥殺樹

風詠甘棠雅歌行葦楚楚可憐之樹晉書濯濯易盡之

枝皆當廣以慈心全其生意况藜亡七日未必非神

太上感應篇注卷下七 粵雅堂叢書

戰國策 櫟大百圍偏能見夢也莊子用藥者無斧斤而天

厥志不仁不斬伐而枯其毒太苦

恚怒師傅雲笈七籤老君曰怨恚師傅亦不祥

師無當於五服然左右就養有父道焉服勤至死有

君道焉故變共子曰民生于三事之如一也漢重經

師其上章也必稱聞諸師曰以明所受戰國策曰談語而不稱師

是倍也荀子曰言而不稱師謂之倍教而不稱師謂之畔于其死也則必自表師

喪弃官行服具兩漢書故經義莫明於漢人材亦莫盛于

漢自經師亡而仲山之古訓不存詩古訓是式亦作詁訓見說文夫

漢自經師亡而仲山之古訓不存詩古訓是式亦作詁訓見說文夫

子之雅言亦絕

雅正也康成注論語曰讀先聖典法必正言其音然後義全家君謂學者

不識字不能通經也

於是有施悖求佛而疾其師者矣有燕朋

燕辟而逆其師者矣

唐石經禮記義見鄭氏注

荀卿言倍師之人

明君不納諸朝士大夫不與之言蓋師道不立則經

義不明經義不明人材所以日下也

抵觸父兄

武王勝殷得二虜而問焉曰而國有妖乎一虜曰晝

見星而雨血此吾國之妖也一虜曰此非其大者吾

國之妖其大者子不聽父弟不聽兄此妖之大者

新序

太上感應篇注卷下

八

粵雅堂叢書

夫驕子傲弟其教不先其率不謹

史記輕簡父母

賈誼新書

凌忽長者

顏氏家訓

小則兆門祚之衰大則貽風俗之患

雖欲不謂之妖而不得也

強取強求好侵好奪

市金可採取之傷廉白珩非寶求之有道侵欲崇侈

饕餮乃爾奪攘矯虔蚩尤殲旃窮途思返違道不遠

靜言自悼從我所好

虜掠致富

本富為上末富次之姦富最下攻剽維埋掘冢鑄幣

意錢搏揜而田叔以之起桓發用以饒貨殖傳皆姦富

也雖然善人富謂之賞淫人富謂之殃左傳是故家有

不宜之財則傷戰國策掘藏之家其後必亡淮南子天殆

富淫人左傳此說誠荒唐也韓昌黎詩桃源之說誠荒唐

巧詐求遷

馬安巧宦而四至九卿漢書漢官儀翟酺詐懿而先據要

路孫懿也見范書贊倖進之端開純臣之節墮矣何以謹慎

為欺謾居右職何以禮義為便巧為尊官賈誼貢禹今人

之所喜者昔人之所歎也且也舐痔而結駟趙壹語本莊子

太上感應篇注卷下

九粵雅堂叢書

何辱如之遭睡而探珠莊子其危甚矣

賞罰不平

古者爵賞不踰德刑罰不過罪是以為善者勸而不

善者沮苗子唯其平也如賞所愛而罰所惡范曄語則不

平不平則怨怨則爭爭則勸懲不立而爵賞刑罰窮

矣禮

逸樂過節

益戒舜曰罔遊于逸罔淫于樂故君子無逸作所書

良士好樂無荒詩乃逸乃諺周公所以泳歎也式號

式呼大雅所以流連也

漢書

且吾聞之狂者無憂

淮南子

溺人必笑

左傳

逸樂未終而死亡繼之亦何以異於是

乎

苛虐其下

天有十日人有十等

左傳

下所以事上上所以使下也

鞭朴弛於家庭固為終吝僮僕取其遲鈍無可深求

苛虐者重為任

苛

而罰不勝

虐

遠其途

苛

而誅不至

虐

夫力不足則偽智不足則欺

皆見莊子

鳥窮則啄獸窮

則齧人窮則詐

韓詩外傳

自古及今未有窮其下而不危

太上感應篇注卷下

十

粵雅堂叢書

者也

家語

恐嚇於他

失羣之雁故創未息虛弓可以下之

戰國策

在患之人

在患出

驚魂未定浮言可以動之

書

蓋百端恐怖強

者股弁

二字出漢書

弱者引決豈不痛哉按以周刑應在

造言之律

周禮鄉人刑

稽之漢法當依恐獨之條

漢盜律有恐獨

見王子侯表及

晉書刑法志

怨天尤人

人之受於天也有三命焉受命以保度

受命謂年壽

遭命

以摘暴遭命謂行善而遇凶隨命以督行隨命謂隨其善惡而報之見孝經援神契

及何休君子之於人也有三自反焉自反而仁矣自

反而有禮矣自反而忠矣三命皆天也三自反皆不

求諸人也故荀子曰自知者不怨人知命者不怨天

怨人者窮怨天者無志

訶風罵雨老君說百病曰罵詈風雨是一病

天有風雨霜露無非教也禮風古文師雨師帝王之

所祀周禮好風好雨日月之所從鄭氏謂日從星不可見明日亦從星帝

天且弗違之而况于人乎咨祁寒而怨暑雨乃黔首

太上感應篇注卷下 七 粵雅堂叢書

之無知訟風伯而詰雨師實文人之遊戲曹子建詰咎文假天

帝之命以詰風伯雨師韓昌黎訟風伯本此 有識者蹈之是獲罪於天也

鬪合爭訟持兵曰鬪眾鬪曰合私爭曰爭鳴於官曰訟

鬪而不勝集眾以要之傷必重爭而巳速訟以成

之室必殘案漢律鬪有保辜辜外以傷人論辜內以

殺人論本何休公羊注功意所必辨也手傷人為功使人行為傷

漢書周官訟有明禁既入之以束矢又申之以鈞金

亦何所措其手足乎

妄逐朋黨

東漢之末京師遊士汝南范滂等非訐朝政自公卿以下皆折節下之太學生爭慕其風以爲文學將興處士復用陳留申屠蟠獨歎曰昔戰國之世處士橫議列國之君至爲擁篲先驅卒有坑儒燒書之禍今之謂矣乃絕於梁碭之間因樹爲屋自同庸人居二年滂等果罹黨錮或死或刑者數百人蟠確然免於疑論周易泰之九二曰朋亡得尙於中行渙之六四曰渙其羣元吉孔子作小象皆以光大言之光大者周而不比公爾忘私之謂也夫洪範九疇必嚴比德周官八成用戒邦朋則朋黨之禁其來久矣迹哲士之微言攷先聖之逸典乃知有黨必有讐喪朋終獲慶易非知幾達節之人大雅不羣之彥其孰能與於此哉

用妻妾語違父母訓

髮子不笄

束髮受書之子

冠子不言

韓詩外傳

慈訓不易聞也袖

中之簡三歲可以出之

趙簡子之長子曰伯魯幼子曰無恤嘗書訓誡之辭于二

簡以授二子曰謹識之三年而問之伯魯不能舉其辭求其簡已失之矣問無恤誦其辭甚習求其簡出

太上感應篇注卷下

三

粵雅堂叢書

諸袖中而奏之於是簡子以無恤爲賢古詩置書懷袖中三歲字不滅千里之書終身

可以誦之馬文淵千里遺書誠其兄子見後漢書及王充論衡何愛敬之深篤

而勿逆勿怠也禮雖然妻子具而孝始衰矣句本管子荀子

讒言興而階之厲矣夫必先用其婦人今文大誓乃敢侮

厥父母無於是一轉瞬而姑婦勃谿者有之莊不移

時而父子異部者有之三國志此其無行義之尤漢書所

謂維弔茲不于我政人得罪天維與我民彝大泯亂

者矣康誥

得新忘故

太上感應篇注卷下

三 粵雅堂叢書

貴易交富易妻此人情之不美荀非有道之宜言也

衣莫若新人莫若故晏子貴如光武猶思瀨下之賢富

若孝宜尙索微時之劍若乃公孫懷詐莫遇故人西京

襍司馬褊心重憎老物晉書其與少原之婦悲悼亡簪

韓詩外傳晉國之臣興嗟弃席者淮南不可同年而語明

矣

口是心非雲笈七籤曰道教五戒三者不得口是心非

口能言之身能行之國寶也口不能言身能行之國

器也如器物雖不言而有行也口能言之身不能行國用也賴其言可

用口言善身行惡國之妖也治國者敬其寶愛其器
任其用除其妖子荷

貪冒於財欺罔其上

季文子相三君無衣帛之妾無食粟之馬君子以爲
忠諸葛武侯自表云臣死之日不使內有餘帛外有
贏財以負陛下夫廉不過人臣之一節而左氏稱之
爲忠孔明自謂無負誠以人臣之欺君誤國必自貪
于貨賂始也臨下乃與盜跖爲伍陳情則以曾史自
居偷兒獲廉名誠計之得矣豈知高后降之弗祥庚般

太上感應篇注卷下

古

國雅堂叢書

民人生其怨詛其究也乃與國而同敗耶日知錄管子
曰家富而國貧爲人臣者之大罪也

造作惡語讒毀平人

鳥之美羽句啄者鳥畏之魚之哆口垂腴者魚畏之
人之利口瞻辭者人畏之是以君子避三端韓詩外傳筆
端之文成是貝錦詩舌端之語猾以齒牙晉語遂使生
人名節墮地無餘如彼糾彈同之禁錮晉書武士鋒端

方之蔑矣范書贊

毀人稱直罵神稱正

直者不毀正者唯神吹毛索疵流聞不誼不可爲直

漢書

投龜詬天中無敬心不可爲正

左傳

展禽有言犯人

道者不祥犯鬼道者有殃

魯語

毀人誣神其不祥莫大

焉天將殃之也

左傳

弃順效逆背親向疏

二者之義備于石碣之諫莊公孔子之教會子也碣

之言曰君義臣行父慈子孝兄愛弟敬所謂六順也

賤妨貴少陵長遠閒親新閒舊小加大淫破義所謂

六逆也去順效逆所以速禍也子之言曰不愛其親

太上感應篇注卷下

五

國學雅堂叢書

而愛他人者謂之悖德不敬其親而敬他人者謂之悖禮以順則逆民無則焉不在於善而皆在於凶德也

指天地以證鄙懷引神明而鑒猥事

古者天地不通民神異業

楚語

所以防戲豫而絕矯誣

也曰明曰且奉而不違曰覲

音蔑

曰巫敬而不瀆蓋天

地至尊神明至正尊不親小事

穀梁

正不干僻邪鄭莊

公之誓黃泉能無後悔

左傳

中里徼之盟齊社莫挽前

愆

墨子

夫至天神不蠲其爲

蠲音圭

斯乃民庶莫盡其

氣受命之氣也見楚語九黎三苗非前轍乎

施與後悔老君說百病曰施人望報是一病與人追悔是一病

太上貴德其次務施報是施固為報地也將欲取之

必姑與之逸周書是與乃為取計也往而不來贈而不

荅未有不悔其過而濫與者語曰其就義若熱則其

去義若渴莊子此之謂也

假借不還老君說百病曰借不念還是一病

泉府之法凡賒祭祀無過旬日喪紀無過三月泉府職

漢元以來有假借不廉之條著於襍律漢律襍篇見晉書刑法志

太上感應篇注卷下 夫粵雅堂叢書

孝文三年河陽侯陳信坐不償人債過六月免功臣表

王符亦言永平時明帝諸侯負債輒有削黜之罰潛夫論

蓋漢尚廉恥故舉士曰孝廉舉吏曰廉平所以重廉

也重廉則必罰不廉且假而不返不特傷廉近於無

恥廉恥不立風俗日偷啓爭速訟爭財日訟猶其細也

分外營求

子臣弟友分內之事也富貴利達分外之事也君子

畢力於人倫故思不出位而行無越思左傳小人罔識

義命不能耕而欲黍稷不能織而喜采裳淮南子虧其

分內之事而營其分外之求豈知所性不存而所求無益乎

力上施設此為守錢虜一輩言之

持心計權子錢治產積居俯拾仰取趣時若猛獸之

發得利如烏鵲之爭此有知盡能索耳終不餘力而

讓財矣史記然而識者嫌其銅臭崔烈天下謂之膏肓王衍

實士君子所羞稱也

淫慾過度

國風之好色也盈其欲不愆其止荀子蓋陽性純而能

太上感應篇注卷下

七 粵雅堂叢書

施陰體順而能以禮濟樂以穀伏蠱故能豐子孫

之祥致老壽之福荀爽對策以穀伏蠱見晉語若夫不節不時左傳

失儀失度燕好每形於動靜漢書晦明常失于節宣左傳

非尤物之移人即冶容之喪志且也茲心不爽左傳壽

命不究於高年杜欽語其生不蕃左傳肌膚莫傳於來體

蔚宗贊謂無子嗣思之能無動念言之可謂寒心此三戒之

所先十愆之必做也

心毒貌慈

面很不害心很敗國晉語酷虐用刑垂涕終無所活曹瞞

置人死地柔懦不異平時盛章何中之惡而外之婉

乎乃知梟鴟不鳴要非祥也豺狼不噬要非仁也張文

潛語有王者起屏諸遠方禮投諸四裔左傳可也

穢食餒人

孟多漬酒之蠅匹夫為之弗飲淮南子飯有涉筐之鼠

君子所以不嘗論衡昔人以食不潔為腸沔論衡誠憎之

也况以之餒人乎餒之言飼也玉篇如以莖豆飼馬牛

賤之甚矣此人之陰過天之大惡也論衡

左道惑眾

太上感應篇注卷下 六 粵雅堂叢書

盧子幹注禮曰左道謂邪道道尊右右為貴故漢

書云右賢左愚右貴左賤故正道為右不正道為左

禮記僻左之道以之事君則誅逸周書以之亂正則殺

正義若夫疑眾在四誅之條假於鬼神時曰王制之所

不聽當眾則決亂民居八刑之次周官之所必糾司徒

鄉入刑糾萬民一曰亂此皆不待天誅而自罹國法

者也

短尺狹度輕秤小升以偽確真采取姦利

周官之法同其度量度丈尺壹其淳制淳與純同音

制謂師職匹長察其詐偽飾行債與賣慝者而誅罰之質人皆

法至重也賈而欲盈左傳物無中度禮人而近市左傳勢

必假真法言夫欲讐以此獲利則為姦利以此致富偽者必假真

則為姦富此商賈所不齒莊子乞人所不屑也

壓良為賤

因貧而作贅子見賈誼傳如淳曰淮南俗賈情已堪

隣從坐而入縣官見後鄭周禮注漢律法誠難追若

家本良奧二字出禮記注系屬衣冠兩漢書或乘機而攫取或

依勢而脅從視若人奴史記役同餓隸漢書豈不閭畧人

太上感應篇注卷下

九粵雅堂叢書

之法在漢律盜篇定自漢朝見後漢紀和賣之條彰于魏世後漢

書盜律和賣人為奴婢者死自昔稱嚴于今為烈雖旅之瑣瑣斯

其取災斯斯恐震之蘇蘇僕將自喪也旅九三王翊謂次焚僕喪

而身危

謾驀愚人謾欺也音莫官反驀音莫白反說文云上馬也龍龕手鑿云踰也

謾者詭而蒙之驀者陵而上之愚人胸無識故可謾

生無才故可驀雖然以有識謾無識以有才驀無才

是伎力皆害器矣劉書不仁孰甚焉

貪婪無厭婪亦貪也

近厥倉者不爲之多飯臨江河者不爲之多飲期滿

腹而已淮南咎莫大於欲得禍莫大於不知足老子谿

壑可盈而心不可饜晉語此何異周鼎之著饜養其人

未咽而害及其身也呂覽

咒詛求直咒者咒來禍也詛者詛往愆也咒者口告詛則用牲古者可盟掌其事

蘇成遇暴辛之讒則出三物以自詛詩屈原遭子蘭

之謗則告五帝以折中楚詞枉結思申煩冤求理惟其

直也若乃言多僭左傳事近矯誣國語詎可告彼司盟

禮呵之楚壁天問中里之詞未半墨子卒隕其身左傳三苗

太上感應篇注卷下

二 粵雅堂叢書

之信罔中無世在下呂刑蓋未直而求直適足握水官

之筆鳴三官之鼓耳北帝主六天宮二天宮立一官六天凡立爲三官三官如今刑

名之職主諸考誦而消魔經云岱宗又有左火官右水官及女官亦名三官並主考罰今三茅君通掌之

並見真誥也

耆酒悖亂

古之人制酒醴幾萍氏立監史將以德維合儀辭不

腆稱須臾規初筵在剛斷過三爵不及亂今之人乃

酒荒儀不令德不將濡其首側我弁旣怩怩復僂僂

扉有桷門有莠齊慶封鄭伯有就壑谷奔雍梁遷內

實殲朱方告爾士無崇飲百日醉三日醒酒既入舌
必出舌既出言必失失爾言弃爾身由歡伯由賢人
堯千鍾路百榼惟齊聖能温克

酒人舌出語見管子
歡伯見易休賢人見

書

骨肉忿爭

父子不和其世破亡兄弟不和不能久同夫妻不和
家室大凶

說

先蟲有虺者一身兩口爭相齧遂相食因
自殺今之薄于骨肉者皆虺類也

韓非

男不忠良女不柔順不和其室不敬其夫每好矜誇常

太上感應篇注卷下

三

國雅堂叢書

行妬忌無行於妻子失禮於舅姑

男正乎外女正乎內夫和妻柔姑慈婦聽此天地之

大義制禮之善物也

易左傳

有如脫輓之輿不能正室

幾望

平

之月戒在征凶

易

或矜此婦人而宮中絕脰

或夫人不儂

疾也

而國外稽留

公羊傳

刑于之化無聞併

倨之風屢見遺禮義華人倫其不同禽獸者無幾耳

漢書

輕嫚先靈

君子生則敬養死則敬享致愛則存致愆則著著存

不忘乎心夫安得不敬乎是以祭則受福禮孝能錫

類詩若夫薦而矯誣立而跛踦類公索之亡性家近

殷民之攘竊書豈惟鬼神不饗兼之孤疾天昏左傳皆

僭慢之所致也

違逆上命

惟天子受命于天士受命于君故君命順則臣有順

命君命逆則臣有逆命長雖然逆命而利君謂之忠

逆命而不利君謂之篡荀稱詔書而不用漢律空留

挂壁之文崔實政論格上令而弗行遂有屯膏之事咈哉

太上感應篇注卷下 三 粵雅堂叢書

方命之鯨至于用刑左傳蠢茲逆命之苗乃絕厥世書

作為無益

書曰不作無益害有益作者創造之詞無益多矣不

可徧舉為事有所害故為無益皆正作淫巧以蕩上

心豈惟喪德咈百姓以從已欲書不獨傷財蓋作無

益未有不害有益也

懷挾外心

策名筮仕精白所以承休巾櫛事人靡他用以自矢

臣無畔質晉婦內夫家漢書而外其心其何貳如之左傳

行姦禮於鄰主

至

下臣何敢即安

國語左傳

學積聚於衛

人

韓非子

子婦豈容私貨

禮

禮有放臣詩稱棄婦良有

以也

自咒咒他

指九天以為正悵望靈脩出三物以明心咨嗟維暴

騷人顛頡而何傷小雅怨誹而不亂也若遇人不淑

涕泗滂沱觀閔既多寤言標辟冀余身之有悔

公羊

及女而偕亡

書

祇加懟耳

史記

唯女子與小人為難養

也其謂是乎

太上感應篇注卷下

三

粵雅堂叢書

偏憎偏愛

李傳注後妻

其母惡者其子釋

釋音籜與惡韻

其母好者其子抱

韓非子

夫之愛憎生自婦人也豈無芒莠之妻情親假子珠

崖之義哀感傍人

列女傳

亦各其志耳

漢書

然而佩申生

之缺已見集枯

晉語

瑯孺子之牛

齊景

何妨折齒

左傳

偏之為害而家之所以不齊也

越井越竈

雲笈七籤戒忌曰忽跛井今古大忌又云婦人勿跛竈坐大忌

吹簫之女載於白澤之圖

白澤圖曰井神為吹簫女

式據太真科經云井鬼名瓊

老婦之盆出於淹中之記

古禮出於淹中故

耿恭再拜而井水飛揚後漢書陰氏晨炊而竈神形見

上神明之也禮越之者有短垣而自踰之國語如陳侯

之忘大德鄭國井湮左傳豈智伯之甚不仁晉陽沈竈

晉語赤眉無道宜折筮以咎之赤眉潞社樓汗井竈童子何知當

執戈而逐之也土句曰塞井夷竈文子執戈逐之曰童子何知也

跳食跳人

惟食八政之首惟人萬物之靈書故春秋必記有年

君子不誣十室鄭氏禮注重之故也若夫暴殄為心狎侮

自用既蹶爾於一簞復屈人於兩胯呼首山之庚癸

太上感應篇注卷下 粵雅堂叢書

左傳安知稼穡之維艱見兄弟之顛連西銘豈識一夫之

子勝若小人也足與治乎漢書

損子墮胎

人道下生通於易氣易氣從下生故畫卦誕彌值宿

應於天文抱朴子曰命之脩短實由所值受氣結胎各有星宿在母不憂晉語肇

始揆於皇覽離騷先生如牽俗作懼弗子于庚辰父子不愛

謂之不子義見漢學天地父母之心其理同其情一也孩蟲有

禁孟春猶重其文月令剗剔用刑書君子諱傷其類家語

矧自殘其骨肉乎後漢書豈生有咎微而必弃諸堤下

或合而非禮以致委諸夢中左傳不然何用心逆人道

也漢書

多行隱僻今本作行多

為不善於顯明之中者人得而誅之為不善于幽閒

之中者鬼得而誅之莊子故不由明坦之途者謂之宵

人郭象注宵人之必險於山川難於知天莊子隱僻乃其

性也以隱僻為性則不義以隱僻為行則無禮多行

不義必自斃多行無禮必自及也左傳

晦臘歌舞朔旦號怒

太上感應篇注卷下

三 粵雅堂叢書

杜預左傳注曰晦月終陰之盡故以為忌雲笈七籤

曰臘日宜修齋祭祀先祖金書仙誌戒曰勿以月朔

日怒恚禁忌篇曰且起勿嗔恚且下牀勿叱呼勿惡

言皆見雲笈七籤夫喜怒以類者鮮矣易者實多左傳晦臘為

終朔旦為始吉人由之視履君子於是履端王志長豈

溢喜溢怒之時乎狂者非不歌也淮南子醉者非不怒

也魯語然而死亡疾病隨之矣哀樂失時者殃咎安得

而不至耶左傳

對北涕唾及溺奴反對竈吟詠及哭

雲笈七籤禁忌篇曰凡人不可北向唾北向尿又青
律戒曰不得北向便溺觸忤玉晨老君曰向竈罵詈
三不祥禁忌篇曰勿舉足向火對竈罵勿吞嗟呼奈
何聲此名請禍特忌之

又以竈火燒香穢柴作食

以夫遂取火於日

禮周蕭炳用升

禮

導一莖六穗于庖

封禪書

吉蠲

音圭爲饗

詩

故火禁掌于司烜

禮周

薪蒸守諸

虞人

左傳

古人之所慎也臭陽達于牆屋

禮

豈容穢德

腥聞

書

玉食薦於君王尚惡勞薪作爨

音書

大則鬼神

太上感應篇注卷下

三

粵雅堂叢書

弗饗小則賓客不歡皆不敬之所致也

夜起裸露

雲笈七籤說戒篇曰天尊十戒第八戒不得裸露三

光當終身奉持老君曰夜起裸形一不祥古人處必

掩身

禮

臥必拱手

南史

故武王帶之銘曰火滅脩容慎

戒必恭恭則壽

禮大戴

露而觸三光則不恭裸而冒風

露則不壽可于向晦宴息而忽之乎

八節行刑

雲笈七籤

曰八節曰立春春分
立夏夏夏至立秋秋分立冬冬至

真誥協昌期曰八節之日當齋盛謀諸善事以營於

道之方也慎不可以其日忿爭喜怒及行威刑皆天
人大忌爲重罪也雲笈七籤曰凡八節之日是上天
八會大慶之日也金書仙誌戒曰勿以八節日行威
刑蓋時順之法後漢書王者所遵賊莽春夏斬人亡新
由是忽焉王莽傳建安寬緩詔絕後漢立春下寬大詔書罪非殊死一切勿
案建安二十二年二月立春寬緩書不行見獻帝起居注漢室由是衰焉若刑不
須時是謂變天之道絕地之理亂人之紀必有天殃
者也

唾流星指虹蜺蜺音齧

太上感應篇注卷下

三 粵雅堂叢書

天事恆象

國語左傳

失度爲飛流

張晏曰飛星流星也孟康曰飛絕迹而去也流

光亦二氣爲虹蜺淮南子曰天相連二氣則成虹

敬天之渝無敢馳驅

詩况敢唾而指之乎追誦蝮螫之章以爲太息

輒指三光久視日月

雲笈七籤養生延命錄曰凡小兒不用合指月兩耳

後生瘡名月食瘡又曰勿怒目久視日月使目睛失

明天有三辰地有五行日合于天統月合于地統斗

合于人統五星合之于五行三統故王者父天母地

兄日姊月孝經緯類于上帝宜于社禮禋于六宗書精

意以享

周語

敬之至也不敬三光是不敬天地也河圖

帝視萌曰

帝視萌河圖篇名

侮天地者凶可不懼乎

春月燎獵

爾雅宵田為燎郭氏謂夜獵載鑪照也蔡邕月令章

句曰獵者捷取之名也昆蟲未蟄王制有火田之禁

禮

弋不射宿聖人垂愛物之心蒐不以時曰傷天和

田不以禮曰暴天物

禮

燎獵畢弋管子所謂無道之

君也

四稱篇

甯於物也而可忽諸

對北惡罵

太上感應篇注卷下

天

粵雅堂叢書

雲笈七籤禁忌篇曰凡人勿北向唾罵犯魁岡神金

書仙誌戒曰勿向北唾罵犯破毀王破謂歲下辰也

王謂王杰之所在也

無故殺龜打蛇

打音頂擊也

雲笈七籤禁忌篇曰人凡一切翮飛蠢動不可故殺

傷損至於龜蛇異於他族殺有靈者或陰精害人深

當慎之之二蟲者居於宰路

淵名龜所居見莊子

出自泉宮

左傳

南龜却而東龜前

禮

內蛇鬪而外蛇死

左傳

皆能通元

王而見夢

龜策列傳

負涸澤而為神

韓非子

倘屬異十朋

易爾

正橫遭剝剝莊子史記類非歧首輒見椎埋列女傳豈仁人

君子之用心乎孔瑜之功章於鑄印賢傳隋侯之

德報在銜珠搜神記竊謂作不善者反是

如是等罪司命隨其輕重奪其紀算算盡則死

春秋緯佐助期曰司命神名滅黨長八尺小鼻望羊

多髭癯瘦通於命運期度後漢書張衡傳注風俗通曰今民

開祀司命刻木長尺二寸為人像行者擔篋中居則

作小屋汝南餘郡亦多有皆祠以腊率以春秋之月

曲禮曰君子曰終小人曰死鄭氏曰死之言漸也事

太上感應篇注卷下 五 粵雅堂叢書

卒為終消盡為漸言算與形骸俱盡也

死有餘責乃殃及子孫

易文言曰積不善之家必有余殃虞仲翔據納甲卦

氣之說而申之曰坤積不善以乾通坤極姤生與為

餘殃陽極姤生履霜堅冰猖蹙而活先人餘烈貞良

而亡先人餘殃詠天之道也 抱朴子據道戒曰若

乃憎善好殺口是心非背向異辭反戾直正虐害其

下欺罔其上叛其所事受恩不感弄法受賂縱曲枉

直廢公為私刑加無辜破人之家收人之寶害人之

身取人之位侵剋賢者誅戮降伏謗訕聖賢傷殘道
士彈射飛鳥刳胎破卵春夏燎獵詈罵神靈教人爲
惡蔽人之善危人自安佻人自功壞人佳事奪人所
愛離人骨肉辱人求勝取人長錢還人短陌決放水
火以術害人迫脇尪弱以惡易好強取強求擄掠致
害不公不平淫佚傾斜凌孤暴寡拾遺取施欺僞誑
詐好說人私持人短長牽天援地咒詛求直假借不
還換貸不償求欲無已憎拒忠信不順上命不敬所
師笑人作善敗人苗稼損人器物以窮人困當作用以

太上感應篇注卷下

三

粵雅堂叢書

不清潔飲飼他人輕秤小斗狹幅短度以僞襍真採
取姦利誘人取物越井跨竈晦歌胡哭凡有一事輒
是一罪隨事輕重司命奪其算紀算盡則死但有惡
心而無惡迹者奪算若惡事而損於人者奪紀若算
紀未盡而自死者皆殃及子孫也

又諸橫取人財者乃計其妻子家口以當之漸至死喪
若不死喪則有水火盜賊遺亡器物疾病口舌諸事以
當妄取之直

抱朴子據道戒曰諸橫奪人財物者或計其妻子家

口當填之以致死喪但不卽至耳其惡行若不足以殺其家人者久久終遭水火劫盜及遺失器物或遇縣官疾病自營醫藥烹牲祭祀所用之費要當令足以盡其取之者也

又枉殺人者是易刀兵而相殺也

孟子所謂一閔公羊所謂推刃也

取非義之財者譬如漏脯救饑燭酒止渴非不暫飽死亦及之

抱朴子據道戒曰道家言枉殺人者是以兵刃而更

太上感應篇注卷下

三

陶雅堂叢書

相殺其取非義之財不避怨恨譬若以漏脯救饑燭酒解渴非不暫飽而死亦及之又良規篇曰無異乎渴者之資口于雲日之酒饑者之取飽乎鬱肉漏脯也雲日卽暈日鳩鳥也

夫心起於善善雖未爲而吉神已隨之或心起於惡惡雖未爲而凶神已隨之

老君曰無謂幽冥天知人情無謂闇昧神見人形心

言小語鬼聞人聲犯禁滿千地收人形

養性延命錄

曾子

曰人而好善福雖未至禍其遠矣人而不好善禍雖

未至福其遠矣

徐幹中論

關尹子曰心蔽吉凶者靈鬼攝

之心蔽男女者淫鬼攝之心蔽幽憂者沈鬼攝之心

蔽放逸者狂鬼攝之心蔽盟詛者異鬼攝之心蔽藥

餌者物鬼攝之彼以其精此以其精兩精相搏則神

應之久之或死木或死金或死繩或死并蓋神體物

而不遺心隨感而輒動吉凶善惡之間可不慎哉

其有曾行惡事後自改悔諸惡莫作眾善奉行久久必

獲吉慶所謂轉禍爲福也

轉禍爲福戰國策文

抱朴子據道戒曰及其有曾行諸惡事後自改悔者

太上感應篇注卷下

三

粵雅堂叢書

若曾枉殺人則當思救濟應死之人以解之若妄取

人財物則當思施與貧乏人以解之太平廣記九十

六卷引酉陽雜俎曰釋道欽住陘山有問道者率爾

而對皆造宗極劉忠州晏當乞心偈令執爐而聽再

三稱諸惡莫作眾善奉行晏曰此三尺童子皆知之

欽曰三尺童子皆知之百歲老人行不得至今以爲

名理夫人有禍則心畏恐心畏恐則行端直行端直

則思慮熟思慮熟則得事理行端直則無禍害無禍

害則盡天年得事理則必成功盡天年則全而壽必

成功則富與貴全壽富之謂福而福本於有禍韓非子

易曰不遠復无祇悔元吉此之謂也

故吉人語善視善行善一日有三善三年天必降之福
凶人語惡視惡行惡一日有三惡天必降之禍胡不勉
而行之

吉人為善惟日不足凶人為不善亦惟日不足書視

言動皆是也善無近福抱朴子故以三年為斷惡不言

三年者凶人不終禍之至也何日之有皆見左傳末復言

此勉人及時遷善改過也

太上感應篇注卷下

三 粵雅堂書

太上感應篇注卷下

譚瑩玉生覆校

右太上感應編註二卷

國朝惠棟撰案梁阮孝緒作

七錄以二氏之書別錄於末劉昫舊唐書惟錄諸家之書爲二氏作者而不錄二氏之書例綦嚴矣故太上感應編見於道藏而僅著錄於宋史藝文志其他講目錄之學者蓋闕如也然流佈獨廣幾於家有其書樂善者復刷印以分貽朋好而磊落英多之士類束置高閣以爲不足觀則以註者之文未甚雅馴也先生以昭代儒宗高才碩學顧於研經證史之暇特註是書淳古淵懿且間作儷體文令閱者如讀古書不忍釋手湯敦甫

太上感應編註跋

一粵雅堂叢書

協揆文集稱其最爲典雅洵不誣已夫因果之說迂儒每不屑道然惠迪從逆等語經訓屢言之矣殊途同歸理無二致江鄭堂漢學師承記稱是書本二卷亦經好事者刊行然吳君熙載所刊包慎伯書後者實一卷則刊行者殆不一其人矣仍釐爲二卷重付剞劂俾益廣爲流佈壁壘斬新晨夕展對身體而力行之夫亦庶幾寡過矣世有博古通今之士目空一切者當不敢以其近而忽之也註之爲功大矣咸豐乙卯人日令節南海

伍崇曜謹跋

每不層道然惠道從漢晉等諸經訓屢言之矣殊疑同歸
理無二致江鄭堂漢學師承記稱是書本二卷亦經好
事者刊行然其
刊行者殆不
為流佈豈
有遺矣世有
或而忽之也
後者謂其
卷重付劔關俾益廣
而力行之夫亦庶幾
矣一切者當不敢以其
公一邪人片命節南海

